

Naqqiut

Siunnersuut 3. november 2025-meersoq taarserpaa
(Siunnersuutip immikkoortutut normua naqqiutigineqarpoq, siulii marluk UKA2025/39
aamma UKA/40 ataatsimut suliarineqassagamik UKA2025/39-tut)

Imarsiornerup isumannaatsuunissaa pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnerat pillugu peqqussut

UAGUT FREDERIK QULINGAT, Guutip saammaassineratigut Danmarkip kunngia,
nalunaarpugut

Imarsiornerup isumannaatsuunissaa pillugu inatsisip, imarsiortut pillugit inatsisip aamma inatsisit allat allanngortinneqarnerat aamma umiarsuarmi inuttat sulisussarsiarineqartarnerat pillugu inatsisip atorunnaarsinneqarnera (Imarsiortunut suliffimmi pissutsit pillugit isumaqatigiissutip naammassineqarnera, nakkutilliineq pillugu aalajangersakkat nutarterneqarnerat, Kalaallit Nunaata imartaani imigassartorsimalluni umiortornerup inerteqqutinngortinneqarnera il.il.) pillugit inatsimmi nr. 493, 12. maj 2010-meersumi, inatsisikkut nr. 199-ikkut 25. februar 2025-meersumi allanngortinneqartumi § 9, imm. 4 aamma imarsiornerup isumannaatsuunissaa pillugu inatsisip aamma umiartornermi pissutsit pillugit inatsisip allanngortinneqarnerat (umiatsianik sukkasuulianik, immami scooterinik aamma angallatinik assigisaannik umiartornermut malittarisassat sukannernerusut) pillugu inatsimmi nr. 374, 1. maj 2018-meersumi § 4, imm. 2 naapertorlugit aalajangersarneqarput:

§ 1

Imarsiornerup isumannaatsuunissaa pillugu inatsimmi, kunngip peqqussutaatigut, takuuk Peqqussummut nalunaarut nr. 1674, 16. december 2015-meersoq, Kalaallit Nunaannut atuutilersinneqartumi, makkua allanngortinneqarput:

1. § 20 a, imm. 1-imi oqaaseqatigiit siulliit, ima oqaasertalerneqarput:

»Inatsit manna malillugu nakkutilliinnerminut atatillugu, imarsiortunut suliffimmi pissutsit pillugit inatsimmik il.il., umiarsuup inuttai pillugit inatsimmik, umiarsuit uuttortarneqartarnerat pillugu inatsimmik, umiartornermi pissutsit pillugit inatsimmi §§ 153, 186-imik, 197-imik, 198-imik aamma 471-imik aamma taakkunanga malittarisassanik atuutilersinneqartunik eqqortitsineq, Søfartsstyrelsip aammattaaq nakkutilliivigissavaa.«

2. *Kapitali 6*-imi § 20 a-p kingorna ilanngunneqarpoq:

»§ 20 b. Inatsimmi matumani killissarititaasut iluannit, allagartat akuersissutit aalajangersarneqartut aamma imarsiortunut suliffimmi pissutsit il.il. pillugit inatsit malillugu takussutissiat uppersaataasut allat atulersinneqarneri, Søfartsstyrelsip isumagissavai. Taakku pillugit malittarisassanik erseqqinnerusunik Søfartsstyrelsi aalajangersaasinnaavoq.«

§ 2

Peqqussut ulloq 1. februaari 2027 atuutilissaaq.

Tunniunneqarpoq [...] ulloq [...]

Kunngisut Atsiorpugut Naqissusiillutalu

FREDERIK R.

/Morten Bødskov